

1 Timoteo

Den hiangi aregât keiŋe.

¹ O galane Timoteo nâmâ Paulo, Anutuŋe âi makmâ hâreniŋepgât Yesu Kristogât laugât Aposolo âi meman. Amâ Anutuŋe hengem nengumapŋe akto Yesu Kristoŋe dumnenŋân kilepgât nânŋaŋmâ manmaen yâk lâuwâ lâuwâ âi ire niŋiat.

² Timoteo nanne gâŋgât kulem ire kulemgogiŋdân. Anutu Ewenenŋe akto Kembunenŋe Yesu Kristo yâk yetŋe han kalem âlepŋe akgiŋmâ damunge akbela biwige sândugeâk.

³ Nâ Makedonia hânân ariwerâm akmâ âmâ makgiŋân aregât haiŋ akben. Amâ luâk bikŋande hutyenŋân kinmâ den aŋgâ siâ makyenŋiyi yâk makyenŋimenâ hepunbai.

⁴ Yâk bem patŋe kâmotŋe kâmotŋe makmâ gam mali yâk yengât kotyeŋe makmâ maganŋi goanŋi akbiâ âmâ den gulip milip bunŋe bo are miawakto Anutu nânŋaŋmâ hoŋ bawa manmaen are gembo bâlimap.

⁵ Gârâmâ Anutuŋe makmâ hârenengiep are hin akmaen. Han lâuwâ bo akmâ âmâ biwi kau kau akmâ Yesu nânŋaŋmâ manmâ pânŋân mem kepilâmaengât biwi konok akmaen.

⁶ Dâ luâk bikŋande âmâ den are hâkânŋ akmâ yeŋaet den are makmâ mem maganŋi goanŋi akbiâ bunŋe bo miawakyenŋiep.

⁷ Yâk hain akmâ hin makmai, “Nen Mosegât den kârikñe are makyenñenñe nângâwai.” dâm âmâ wan me wan ire bunñe dâmai den aregât keñe bo nângâm henñemgoyigât gulip makmâ manmai.

Den kârikñe arekñe dosanenñe mem miawakmap.

⁸ Gârâmâ nenâmâ den kârikñe aregât hin nângâmaen. Den kârikñande agak meme âlepñe are mem miawakmap aregât den kârikñe nângâenñe ârândân akmap.

⁹ Den kârikñe are luâk dosa bâlâk manmai yâk yenñgât bo. Anutunñe âmâ den kârikñe hingât kalep. Luâk Anutugât den hâkân akmâ komai me Anutu hamianmâ agak meme bâleñe akmai me biwi helen olop manmai me ewe memelupyenñe hilip yenñgum bugâ yenñgumai.

¹⁰ Me luâkdâ âmbendâ yenñgât pat hâremai me luâkñeak egâlian bâleñeâk akmâ bikñe meyekmâ puligât kâmbu meyekmai me den hianñgimai me Kembugât kotñe konmâ âmâ hianñgimân makmâ kârigemai. Me siâ me siâ bikñe den bunñe gasa agañmai yâk yenñgât âmâ Anutunñe makto den kârikñe arekñe bâleñe yenñe mem miawakyenñgimap.

¹¹ Akto den bunñe gasa agañmai amâ den bunñe are amâ Anutu manman âlepñgât ambonñe yâkñe den pagalenñe olowâk niñep arekñe hain makmâ miawaktâp.

Yesunñe Paulo dosanñe hepunanñmâ âi âlepñe wanñep.

¹² Kârikñe niñmâ mem kârikñe ketugunegep Kembu nenñe Kristo Yesu yâk mepaimñe meman.

Yâkñe nângâniñdo ârândân akto tân nugum âi ire niñep.

¹³ Gârâmâ nâ ulikñân Yesugât nângâre gembo yâk makmâ gasa agañmâ luâklupñe gasa akyengire hanâk dâm nâ Kembugât keñe pâpkom manmâ bonângañmâ malângât han kalem akniñmâ okot nângâniñmâ yai nuguep.

¹⁴ Yai nugum han kalemñe nângâlân lugumbo pikto Kristo Yesu nângañmâ okot âlep agañbiangât kârikñe niñep.

¹⁵ Den ire bunñe akmâ sambelem ariâk. Arimbo ârândân akbiâp. Yesu Kristo amâ nen bâleñe akmâ hâkñe hâkñe akmaen nen henñem nenguwiapgât giep. Akto hâkñe hâkñe akmaen nengât âgâ âgâñe amâ nâ ire.

¹⁶ Gârâmâ Yesu Kristoñe yai nugum han kalem umatñe niñep, a yân bo. Nâ bâleñe meme luâk yenñgât kautyenñe nâ han kalem niñdo luâk beirâ are ekmâ nângâm amâ Yesu Kristo nângañmâ kepilâmbiâ manman kârikñe yenñgiwiapgât hain akniñep.

¹⁷ Manman kârikñaet Kembu humo bo mombiap akto bo ekmaen Anutu konok yâkgât kot pat egâlian pagaleñe are yem âgâwiâp kârikñe. A bundâk.

Timoteo âigât bugâ mem kârikñe akmâ manbiapgât magep.

¹⁸ Timoteo nanne gâ hain akniñmat gâñgât den umatñe hin makmâ giñân. Gâ den ire mem manmâ âmâ luâk bikñande gâ wan akbiatgât den guguyi den arekñe kârikñe giñdo âigât bugâ mem kârikñe akmâ manben.

¹⁹ Hain akmâ manmâ Kristo nânğanjengât hainâk nânğanmenâ han biwige kau kau akmâ tatginmâ âgâwiâp. Dâ luâk bikñande han kau kau manman dâp are hamianigât Yesu nânğanbiâ nânğâ nânğâ yenje tatyengiep are hulan akto bâliyi.

²⁰ Yâk yenğâlân gâtñe luâk siâ Himenaio akto siâ Alesande yâk lâuwâ are Hiangi Amboñande hâk hilâlâm yetkimbo Anutugât kotñe hâkân akmandat aregât agak meme are hepuletgât yâkgâlân katyelegân.

2

Yesugât kâmotlupñande ulilanbaigât den.

¹ Galane, nâ den ire nânğare umatñe akmapgât makginbe. Kâmotlupgande Anutu ulilanberâm âmâ hin akbei. Hokboâk hokboâk Anutugât nânğanbiâ ârândân akmapgât mepaimñe membei. Akto luâk âmbâle hârok yâk Anutunje tânyenğuâkgât ulilanbei.

² Luâk kembu, kiap, gawaman hârok tânyenğuâkgât ulilanbei. Aregât luâk humomolupnennande damun nenñe akbiâ âmâ âlepñe lumbe kakñân manmâ Anutugât lau lokoennje biwinenñe sândugembo luâk bikñande nânğâ nengimbiâ âgâwiâp.

³ Are amâ âlepñe akbiap. Akto Anutu hengem nengumap yâkñe are nânğâmbo ârândân akmap.

⁴ Anutunje âmâ luâk hârokñe den bunñe nânğâmbiâ hengemgo yekbiapgât egâlianmap.

⁵ Anutu konok manmap. Akto Anutu akto luâk hut nenñân mendugu nenekbiapgât luâk konok kindâp, Yesu Kristo yâk luâk agep mannengiâp.

⁶ Yâkne manmanne bo gangerâm âmâ nen hârokgât sumbe nenne agep. Aregât patne amâ sopnân miawagep.

⁷ Aregât Anutuñe nâ pat aregât keñe makmâ miawakyenngiwangât Aposologât âi niñep. Âi niñmâ Yuda luâk bo manmai den bunne nânganbaigât makmâ hâreniñep. Den are bo hianjim âmâ bundâk maktân.

⁸ Galane, hingât nângâre humo aktâp. Kepianne kepianne hânne hânne gasa bo aganjim âmâ bâtyene mem agatmâ Anutu ulilanbei.

⁹ Dâ âmbâi yengât hin maktân. Yâkne hâk peke egâlianñe olop bo luguakmâ âmâ yenjaet nângâmbiâ gembo kângom manbei. Dâ kautyene dumutne kulem melem dondâ me donet me hâk peke puliñe âgâñe are bo mem manbai.

¹⁰ Gârâmâ hin mem manbei. Âmbâle nen Kristogât kâmot manmaen dâmaine âi âlepne membiâ ârândân akbiâp.

¹¹ Âmbâleñe luâk yengât amuk yenân manmâ kângom ondop katmâ nângâ nângâ âi membei.

¹² Âmbâle siâñe Kristogât keñe hekat yenngiwêrâm akbiap arekne luâk ewangi yekmâ kinbiâp dâm aregât nângâre bo ârândân aktâp. Aregât hain bo akbiâp. Yâk yân kângom yonâk manbiâp.

¹³ Amâ Anutuñe Adam âmâ ulikñân mem miawagep. Dâ âmbenñe Ewa amâ yâkgât haminân mem miawagep.

¹⁴ Akto Adamne Hiangi Ambonjaet den bo nângâep. Âmbenñande âmâ Hiangi Ambonjaet

den nângâm Anutugât lau kondo lau koko are miawagaņep.

¹⁵ Dâ âmbâle âmâ Kristo nângaņmâ han kalem olop manmâ han kau kau manmâ yenjaet nângâmbiâ gembo âmâ nanaņ membai amâ Anutuņe heņgemgo yekbiap.

3

Yesugât kâmot damunlupyenjaet den.

¹ Luâk siâņe nâ Kristogât kâmot damunyeņe akbiangât âi membe dâwiap amâ are nângâenņe ârândâņ akmap.

² Gârâmâ Kristogât kâmotgât damunnenņe luâk are âmâ hin akbiâp. Dosa bâlâk manmâ âmbâle konok olop manbiâp. Akto han biwiņe damunņe akbiâp. Akto akmâ hilipko hilipko bâlâk âlepņe manbiâp. Akto lombo togombiâ dowâk tânyeņguwiâp. Akto luâk âmbâle Kristogât keiņe makyenģimbo nângâmbiâ ârândâņ akbiâp.

³ Waiņ tuņe dondâ bo nembiaņ. Bugâ koko bo akmâ âmâ lumbeņe akto yeukņe akbiâp. Akto kâmotlupņe potalakņetgât bo makbiâp. Akto puli sikumgât bo makmâ tâgâi akbiâp.

⁴ Ikiņe ģinbailupņe damunyeņe akto ârândâņ akbiâp. Akto nan baratlupņe makmâ miwindiyekto lau lokom nângaņbiâ ârândâņ akbiâp.

⁵ Dâ yâk ģinbailupņe ârândâņ bo damunyeņe akbiap amâ yâkņe ģain ģain akmâ Anutugât kâmot damunyeņe akbop?

⁶ Akto siâņe hinņeâk Yesugâlân han biwi katmâ manbiapņe amâ dâtņe memegât âi bo membiâp. Gârâmâ dâtņe meme âi membiap amâ âgâ âgâņe

akto Anutunje makmâ Hiangi Ambonje sârekoep hainâk agañbopgât.

⁷ Dâ yâkne wan me wan mendo luâk âmbâle Anutugât kâmolân bo dewatiyi yâkne nângâmbiâ ârândân akbiâp. Yâkne makmâ sârekombiâ Hiangi Ambonjande biwiñe mem gâlikombo yâkgât hami komân âgâambo membomgât.

Biwigât âi meme luâk yengât den.

⁸ Bât tângo yâkne gai hainâk girin hembalik bâlâk manbiâp. Ele omai olop bo manbei. Wain tu humoâk bo nembei. Puli sikumgât bo makmâ tâgâiakbei.

⁹ Akto Kristogât keñe yonâk manmâ gaep are pâñân mem han kau kauân makyengimbiâ miapñân miawakbiâp.

¹⁰ Gârâmâ ulikñân mem dop koyekbiâ agak memeyene ekbiâ huragumbo âmâ âlepne bât tângogât âi membei.

¹¹ Âmbenlupyne hainâgâk kângom manbei. Ele omai bo akbei. Han biwiyene damunne akbiâ ârândân akbiâp. Akto wan me wan mem manbiâ âmâ bunne miawakbiâp.

¹² Dâ bât tângo luâk arekne âmâ âmbâi konok olop manbiandat. Nan baratlupne ginbailupne damunyne âlepne akto huraguwiâp.

¹³ Amâ hingât. Bât tângo are âñe âlepne membiâ âlepne akto kin kin âlepne kin yengiwiâp. Akto Yesu Kristo gâlân dewatim kinmâ âi mem hengemgowai.

Anutugât âi memenjaet keñe.

¹⁴ Nâ gânğâlân dowâk togowerâm nângân gârâmâ hanâk den ire kulemgogindân.

¹⁵ Siâ me siâne hiko nekto mandere kâlep akto Anutugât kâmot damun yeŋe akbiatgât keiŋe pâpkowâtgât yu kulengoân. Akto Anutu manman Amboŋe yâkgât kâmot âmâ den bunŋe mem manmâ den bunŋaet tân akto keiŋe mandâi.

¹⁶ Humogât keiŋe amâ nâŋgâ nâŋgâgât dop bo. Hin. Yâk luâk akmâ nengât hâk mem miawagep. Akto Heakŋande yâkgât keiŋe mem miawakto ârândâŋ agep. Aneloŋe egi. Yuda luâk bo manmai yâk yeŋgâlân arim makyenŋienŋe nâŋgâyi. Makyenŋienŋe hânŋe hânŋe luâk âmbâle manmaiŋe nâŋgaŋi. Akto Anutuŋe yâk mendo pagalenŋân âgâm mandâp.

4

Hiangi dengât keiŋe.

¹ Anutugât Heakŋande hin kârikŋeâk makmâ miawagep. Beirâ luâk bikŋande Kristogât keiŋe hepunmâ han gulipgât den sinduk banianŋe makmai are nâŋgâmbiâ humo akto watmâ lokowai.

² Lokom âmâ hanyeŋe hiangim manbaigât kâlâpŋe oepgât hin dâm makyenŋimai.

³ Âmbâi bo mem luâk sigan manmâ sot bikŋe bo nem aregât sapa meanŋim manbai. Sot are amâ luâk âmbâleŋe Kristo nâŋgaŋmâ den bunŋe nâŋgâmaenŋe mepaimŋe meanmâ nemaengât Anutuŋe kat nengiep.

⁴ Are amâ Anutuŋe wan me wan liulep are amâ âlepŋe dâmaen. Âlepŋe dâm mepaimŋe meanmâ bo hamianmâ panbaen.

⁵ Amâ Anutuŋe ketuguep hârok amâ Anutugât denŋande miapŋân miawak yekto Anutu me-paimŋe mem meakmâ mandenŋe ârândân akbiâp.

⁶ Gâmâ Kristogât kâmot den are makyenŋim âmâ Yesu Kristogât hoŋ manman luâk den loko loko olop manbiat. Akto Yesu nânŋaŋmaengât den pat akto Kristogât keiŋe nânŋâm gaen. Arekŋe han biwigaet tân akŋiŋdo manben.

⁷ Dâ hânŋe den yânŋe makbiâ Anutuŋe nânŋâmbo bo ârândân akmap are bo nânŋâyenŋiwen. Amâ hâkâŋe dâwen. Dâ Anutu nânŋaŋmâ manbengât hangande owâiwen.

⁸ Aregât hâk nenŋe owâiâkgât âi meme arekŋe bunŋe bo tân nengumap. Dâ han biwi mem owâim Kambu nânŋaŋmâ egâliŋ agaŋmai âmâ bunŋe. Arekŋe hânân iren manmaen akto manmâ himbimân manbaengât kârikŋe nengiâk gât tân nengumap.

⁹ Den are bunŋe dondâ. Aregât luâk âmbâleŋe are nânŋâmbiâ humo agâkgât nânŋân.

¹⁰ Akto aregât bunŋe memegât âi humo memaen. Amâ Anutu manmanŋe yâkgât nânŋaŋmâ mandenŋe biwinenŋe owâiŋe akmap. Yâkŋe âmâ luâk âmbâle hânŋe hânŋe manmai yâk yenŋât heŋgemgoyekbiapgât mandâp. Akto nenŋe nânŋaŋmaen nen heŋgemgo nenekmap. A Bundâk.

¹¹ Yu maktân ire hârok makmâ hekatyenŋiwen.

Timoteogât âi memenŋaet den.

¹² Galane, gâ luâk sigan mandât aregât luâk bikŋande gânŋât nânŋâmbiâ bo gewiâp. Gârâmâ han kalem olop Krîsto nânŋaŋmâ den ârândânâk

makmâ agak meme salek han kau olop memenâ agak meme âlepne nângâm hengemgoweï.

¹³ Nâ togowian aregât lâmgom manmâ âmâ Anu-tugât den kulemne oyanmenâ nângâwei. Akto aregât keiñe makmâ potatmâ yengim manben.

¹⁴ Ulikñân dâtne meme luâkne bâtyene gânğâlân katmâ gâ wan akbiatgât makmâ hâregiñi are gulip akbopgât damunne akben.

¹⁵ Gâ aregât nângâm hanoko akmâ âige mem manmenâ bunne miawakto ekbiâ ârândân akbiâp.

¹⁶ Akto guge han biwige damunne akmâ Kristogât keiñe makyengimat are ârândân târârâgâk damunne kinben. Den are pañâk mem manben. Hain akbialân âmâ denge nângâmai yâk akto guge hârok manman âlepñân togowai.

5

Âmbâi kambut yengât den.

¹ Galane Timoteo, luâk sâmbâ siâne wan me wan siâ mendo ârândân bo akto âmâ yeukñân maganmâ ewege aganmat hainâk aganmenâ agak meme âlepneâk membiâp. Luâk sigan tân yenguerâm âmâ emige teuge akyengimat hainâk akyengiwen.

² Akto âmbâi sâmbâ tân yenguerâm memege aganmat hainâk akyengiwen. Akto âmbâi sigan âkâ hainâk tâulupnerâm gugaet damun kinmâ luâk âmbâle dewunyenân den siâ me siâ makyengiwen.

³ Akto âmbâi kambut ginbailupyene bo manmai are nângâ yengimenâ humo akto tânyengiwen.

⁴ Dâ âmbâi kambut siâne âmâ nanne baratne bâgilupne manbai are bo tânyengiwen. Nan barat

bâgilupņande âmâ Anutuņe makmâ hâreyengiep den are lokom amâ luâk âmâi sâmbâ damun yeņe akbei. Hain akmâ umbuņân ewe meme yeņande tânyenguyigât hâu kutigitbei. Are âmâ Anutuņe nâņgâmbo ârândâņ akbiap.

⁵ Dâ âmâle kambut ikinēâk manmâ Anutu nâņgaņdo biwiņe owâiņe akto hândâk hilâm Anutu tân nuguâk dâm ulilaņmap.

⁶ Dâ âmâi kambut siâ hâkņe egâlianaņmap âmâ hâkņe golâ mandâp dâ biwiņe emelâk moep.

⁷ Den are makmâ kârigem makyengimenâ nâņgâm dosa bâlâk manbei.

⁸ Gârâmâ siâņe emi teu me meme ewe me gin-bailupņe bo tânyengumaņ arekņe Kristo nâņgaņep are hâkâņ akmâ âmâ luâk bikņande Kristo bo nâņgaņmai yâk yeņgât dosa ewangim akmap.

⁹ Âmâi kambut siâņe hombaņņe 60 akto âmâ luâk konok olop malep hainareâk kepilâm kotņe kulemgowen.

¹⁰ Akto wan me wan miep aregât keiņe mi-awagâkgât hin aikowen. Nanaņ meyekmâ âlepņe damun yeņe akmâ gaep me bo? Me lombo yâkgâlân togombiâ damun yeņe agep me bo? Kristogât kâmot me umburuk manmai tân yeņguep me bo? Me han kalem âi keiņe keiņe miep me bo? Keiyeņe hain ekmâ nâņgâm âmâ kotyeņe kulemgowen.

¹¹ Dâ âmâi kambut sigan amâ kotyeņe âmâ bo kulemgowen. Yâkņe makgiņbiâ borâwen. Hain are yâkņe manmâ âmâ Kristo nâņgâm hâkâņ agaņmâ âmâ luâk memberâm akmai.

¹² Hain akmâ âmâ ulikņân den makmâ hâreyi are gulip kombiâ dosa yeņe miawakbop.

13 Akto areâk bo. Âmbâi kambut sigan âi bâlâk manmaigât gulip milip akmâ konam manmai. Konam akmâ emet hârok âgâm den kâmbu mem den bo makmakne are makyengimai.

14 Aregât nâ hin maktân. Gasa nenñande nengât makto gewâengât âmbâi kambut sigan yâkne luâk mem nanan damun yeñe akmâ emet yeñân lâmgom tatbei.

15 Dâ emelâk âmbâi kambut sigan bikne âmâ Hiangi Ambonaet dâp tâlim gulip agi.

16 Akto Kristogât kâmotlupñande puli yân panbâigât kambut gupin bunñe areâk tânyengwaigât lâulupyene Yesu nânğanmaine tâuyene kambut are tângowei.

Yesugât kâmot yengât damunlupyene yengât den.

17-18 Anutugât kâmot damunlupyene yâk yengât hin makñidere nânghâ. Anutugât denñande hin dâep, “Gângât bulimakaone seño bunñe tâlim hâkne gagaiâkgât âi mendo âmâ gâñe bulimakaone sot nembop dâm laune bo dâgâm gisapkowen.” Akto siâ hin, “Âi menñinmap luâk arekne âi hâuñe mendo âmâ ârândân akmap.” Aregât Kristogât kâmot yengât luâk kautlupyene âi mem manmâ Kristogât keñe makyengimbiâ âmâ hâuñe yengim nânghâ yengimbiâ humo akbiâp.

19 Luâk konokne damun siâ den âiân katberâmbo bo nânğanben. Luâk lâuwâ me âlâwuñe makbiâ âmâ nânghâm hengemgowen.

20 Dâ damunyeñe bikñande hanâk hanâk kau-tyene orem bâlenâet agak meme yeñe gangerâm mem manbiâ âmâ Kristogât kâmot yâk yengât

dewunyenân makmâ miwindikmenâ bikņande are ekmâ hamewakbai.

²¹ Nâ Anutu akto Yesu Kristo yâk yetgât dewun-yetņân akto anelo bikņe Anutunęe potatyegep yâk yengât dewunyenân hin makmâ hâregindân. Den makgindân ire yaiwâk damun akmenâ bo gewiâp. Hain akmâ guge hangaet luâk âmbâle siâ me siâ ewangiak gowangiak bo akyenęiwen.

²² Akto gâņe Kristogât kâmot damunlupyenęe yâk yengât âi yeņe dowâk bo yengim bâte kautyenân bo katben. Hain akmenâ âmâ yâk yengât dosanęe gâņgâlân âgâwopgât. Guge han biwige akto hâkge damun akmenâ kau kau yembiâp.

²³ Gâ tepgân gigimapgât akto hâk hilâlâm manmatgât tuâk bo nemben. Wain tu are getek nemben.

²⁴ Luâk bikņe yâk yengât bâlenęe aregât keiņe nâņgâm dowâk henęemgomaen. Dâ bikņe âmâ yâk yengât bâlenęe tigâk yemapgât beirâ miawakmap.

²⁵ Aregât dop hainâk agak meme âlepņande âmâ tekteknân miawakmap. Dâ hain bo akmapgât tiwâk yem âgâwiapgât dop bo tatâp. Beirâ miawakmâ kinbiap.

6

Hoņ manman yengât den.

¹ Hoņ bawa hârokņe Anutugât kotņe akto den pat âlepņe bâliwopgât luâk kembulupyenęe yekmâ kâņgoyenęiwei.

² Dâ luâk kembulupyenęe Kristo nâņganįi âmâ yâk yengât hoņ bawalupyenande hin bo nâņgâwei, “Kembulupnennęe Yesu nâņganįbiâ dop nenņe konok agep aregât lauyenęe bo lokowaen.” hain

bo nângâwei. Bo. Luâk kembulupnenne Kristogât nânganbiâ han kalem akyengimaengât hon bawa âi owâiâk akyengienne ârândân akbiap. Hain dâwaigât gâ den are makmâ makyengim mem kârikne ketugu yekben.

³ Dâ luâk siâne den are makmâ hilipkom den angâ makmâ Kembu nenne Yesu Kristo yâkgât pat âlep den hâkân akmâ dennde hengen nengumap are hamianmap yâkgât hin nângâwaen.

⁴ Yâk âmâ ikinê nângâ nângâne mem agatmâ han gulip akmâ kâmotnenne potalaknet dâm hâre hâregât den are egâlianndo humo akmap. Akto den yânne magangi goangi aknet dâm egâlianmap. Hain arekne egâlian bâlene miawakmap. Akto luâk âmbâle bikande den are nângâm potalakmâ galagât hogo hogo hâk yene tunmâ nângâ anгимbiâ gemap.

⁵ Akto gai luâk bikande han nângâ nângâ yene bâlene higenne akto den bunne bâlâk manmâ nen Anutugât lau lokom mandenne puli sikum miawak nengiwiap dâm bembegât pat nângâmbiâ humo akto gulip manmai.

Hângât puli sikumgât den.

⁶ Akto puli sikumgât hin makbe. Anutugât nângâenne humo akto laune lokomaen âmâ bundâk hâk tângo peninengimbo horat korat bâlâk mem maniâm.

⁷ Âmâ hingât. Memelupnennde menenegiân âmâ hâk hololok miawagion. Akto manmâ mombaenân âmâ hainâk hâk hololok Humogâlân ariwaen.

⁸ Aregât sot akto hâk pekenenne ârândân tatnengimbo nângâenne ârândân akto maniâm.

⁹ Dâ bikñande puli sikum humo mem mannerâm manbai yâkñe egâlian bâleñaet lâm kâli kâliân gembîa ewuyekbiap. Ewuyekto siâ me siâ yânñaet keiñe egâlian bâleñe nânğambiâ arekñe katipyengum mem bâliyekbiap.

¹⁰ Puli sikumgât egâlian gogâlian arekñe bâleñe hârokgât tânñe miawakmap. Aregât luâk bikñande puli sikumgât egâlianbiâ humo akto Kristogât den pat hâkân akmâ hepunmâ puli memberâm akmâ manbiâ âmâ hâk hilâlâm humoñe penâyengimap.

¹¹ Dâ gâmâ Anutugât luâk manmat aregât siâ me siâ hainare hamianben. Manman âlepñe egâlianmâ Anutugât lau lokom Kristo nânğanmâ han kalem kârikñe olop manman akberâm aregât kârikñe akben.

¹² Akto Kristogât keiñe miawagâkgât bugâgât âi kârikñe mem manben. Akto ulikñân Kristogât kâmotlupñande makmâ hâregiñbiâ nânğâm luâk âmbâle dewunyenân magen den are lokom manman kârikñe pañâk memben.

¹³ Anutuñe siâ me siâ manman golâ yengimap yâkgât metenân akto Yesu Kristo kiap Pilatogâlân den kârikñe bunñe magep yâkgât metenân makmâ kârigeginân.

¹⁴ Hin. Den kârikñe lokom manmenâ bikñande gekmâ gângât makbiâ gewopgât kârikñeâk kinmenâ Kembunenñe Yesu Kristo togowiâp.

¹⁵ Aregât sopñe Anutu pagalenje Ambonje akto Kârikñe Ambonñande makto miawakbiâp. Yâk âmâ luâk kembu yâk yengât Kembu humo. Akto agat agatñe yâk yengât kautyenje humo.

¹⁶ Yâk ikinjak ulikñân bak manmâ gaep akto momo bâlâk manmap. Akto pagalenje humo nen

bo arimaenân ain manmap. Yâk luâk siâne bo egep. Akto ekbaengât dâp bo tatâp. Yâk luâk hârokne kotne konmâ mem agatmâ denne lokombiâ yâkgât kot pat sambelem arimbo damunnenne akmâ âgâwiâp. A bundâk.

Luâk puli sikumdâ yengât den.

¹⁷ Luâk hângât puli sikum humo umalâk yeyengimap yâk makyengimenâ hâkye bo mem agatmâ siâ me siâ bâliwiap aregât nângâm imâ tân nengumbo manman nenne miawak nengiwiap dâm bo nângâwei. Dâ Anutu ne unsambe humo nengimbo herone marone manmaen yâkgâlân nânganbiâ biwiye ne humo akbiapgât makyengiwen.

¹⁸ Akto luâk sikumdâ hin makyengiwen. Han kalem akmâ agak meme âlepne mem siâ me siâ hâu bâlâkgât yengiwei.

¹⁹ Hain akmâ âmâ manman kârikne siân miawak yengiwiapgât keine katmâ manbei. Katmâ manmâ âmâ beirâ manman bunne membai.

Paulone Timoteo mem kârikne ketuguep.

²⁰ O galane Timoteo, gâ Kristogât keine makginion aregât pat damun akmâ mem manben. Akto luâk siâne Anutugât pat hâkân akmâ nângâ nângâgât den hengemgone dâm magangi goangi akmâ hilip kombiâ bunne bo miawakto den are hâkâne dâwen.

²¹ Luâk hainare akmaine âmâ Kristogât keine nângâwerâm ewum hâuṅgomai. Anutugât han kalemne yengâlân yembiâp.

Yusugât Pat Âlep Den
The New Testament in the Timbe Language of Papua
New Guinea
Nupela Testamen long tokples Timbe long Niugini

copyright © 1987 Wycliffe Bible Translators, Inc.

Language: Timbe

Translation by: Wycliffe Bible Translators

This translation is made available to you under the terms of the Creative Commons Attribution-Noncommercial-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2012-10-23

PDF generated using Haiola and XeLaTeX on 18 Mar 2025 from source files dated 31 Aug 2023

03f82704-6ad1-5094-a78e-e240d9f2d4f8